

Was merr su babbeld

Honnes, was mächsden?
Isch sitz omm Disch unn les Zeidung.
Kennsde mol kumme?
Ei nodierlich. Was hosde donn?
Du kennsd merr ebbes halle.
Doo bin ich.
Hall grad emol den Schnibbel Stoff fest.
Was willsden mache?
Ebbes abschneide. Hall fest!
Su?
Ja, grad su.
Dess iss awwer nitt grad.
Dess solls joo aach nitt.
No gut. Noch halle?
Ja. Jetz zieh e bissi. Su. Ferrdisch.
Schunn ferrdisch?
Ja. Donke schee.
Hosde noch ebbes?
Naa, dess wars.
Gut.
Honnes, was iss?
Isch bin omm Iwwerleesche.
Was dusden iwverleesche?
Weil isch nitt iwverleesched habb.
Bei was?
Beim Uffstieh, wie de mich gerufe host.
Was häddsden iwverleesche solle?
Ob isch de erst meddem rechte Boo ...
Was iss los?
... odder meddem linke Boo loslaafe soll.
Was issen doo de Unnerschied?
Kooner. Awwer isch habbs nitt iwverleesched.
Dess brauch merr aach nitt.
Scheinbar nitt. Dess gieht audomadisch.
Dess iss doch gut, odder?
Scheinbar ja. Trotzdem ...
Was, trotzdem?
Trotzdem misst merr eischendlich wisse.
Beim Uffstieh misst merr also wisse ...
Mett was ferrm Boo merr loslaafe soll. Ja.
Waaßde wie long dess dauern deet?
Was?
Bissde uffstiehsd. Soll ich meddem rechte ...
... oder meddem linke Boo loslaafe?
Vor lauder Iwwerleesche kämsde nitt fort.

Honne406

Werklich nitt.

Denk emol onn enn Gaul.

Enn Gaul? Der hott vier Boo.

Unn wenn der immer iwwerleesche misst ...

... mett was ferrm Boo der oofonge soll?

Doo käm der nitt vumm Fleck.

Ess iss gut, dass laafe automadisch gieht.

Siehsde. Awwer nitt immer.

Wie, nitt immer?

Doi Nas!

Was iss mett dere?

Die lääfd. Numm emol e Dascheduch.

Eiern Honnes